



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Antidecalogvs Theologico-Politicvs Reformatvs**

**Dript, Laurentius a**

**Paderbornae, 1672**

7. Haeretici extremo supplicio nequaquam puniendi.

**urn:nbn:de:hbz:466:1-13441**

sed illis, quibus à Christo Domino tradite sunt, claves Regni Cœlorum, quique sunt Successores Christi & Apostolorum, tantamquam primorum Episcoporum.

## PROPOSITIO VII.

*Heretici extremo supplicio nequaquam puniendi.*

**T**heodorus Reinkingh. lib. 3. class. 1. cap. postquam essentialia hæreseos, quæ scilicet sit error pertinax Catholicæ fidei contrarius in illo, qui fidem Christi protectur per partes explicasset, tandem nuntius seditiosus verò ait & Blasphemus Hereticus aliquid moliatur & publicæ blasphemiam majestatem evomat, puniri pro delicti gravitate potest: hæc enim res mali exempli est non toleranda l. Exemplo Cod. de prol. Episcopi fidem nemo cogi debet, externa tamen disciplina conservanda est, ne liceat petulantibus turbare ordinem Ecclesiæ, & disciplinam Christianam &c. Tales ait Heretici sunt Apostata, in quos de novissimis Imperij constitutionibus gladio ultore animadvertitur.

42. *Christianus Liebenthal* in suo Collegio Politico Exercit. 13. quæstionem hanc proponit, & mox affirmativam ait quæstionis partem tenent, qui ubera *Antichristi* sugunt, Pontificij sanguisuga &c. Cui merito replicetur: negativam partem tenent, illorum Fautores & Patroni si non imitatores quos.

*Cyprianus Martyr* vocat *Antichristos* & linguas *Diaboli venenatas*.

*Synesius*: *Sathanae Apostolos*.

*Basilius Magnus*: *Sathanae progeniem*.

*Ignatius Martyr*: *Diaboli propaginem*.

*Gregorius Nissenus*: *malos cauponatores*.

*Augustinus*: *Adjutores, & filios Diaboli*.

*Lactantius*: *Dæmoniacis fraudibus irreveros*.

*Nazianzenus*: *Chorum & propugnaculum Diaboli*.

*Bernardus*: *Predones habitu ones: astu vulpes, crudelitate lupos*.

*Athanasius*: *Diaboli, ejusq; Dæmonum amicos*.

*Tertullianus* *Idololatrias cum magis circulatoribus & astrologis negotium habentes*.

*Hæreticos* inquam ipso suo patrocinio

H quanto

quanto charitatis vinculo illis connexi sunt, ostendentes & se suspectos reddentes.

43. Sed Hæreticos iuste extremo supplicio & capitali sententiâ affici, constans Ecclesiæ & Sanctorum Patrum opinio fuit: unde *Roffensis* contra *Articulum 33. Lutheri*, nequaquam ait. Neoterica est heresis ista, quippe, quæ multos jam annos vexavit Ecclesiam: & paulò post: quis ait tam imprudens est, ut lupos cum ovibus committat? sed inquit, alind est arcere, aliud interimere; Arceri licet, nam hoc permisit Christus: at interimere non licet, Ego quidem interimendos opinor, ubi aliter non potes salvare Gregem. Quis enim rapacem lupum, ubi Gregi metuit suo, non prius occiderit, quam sinat oves ab eo dilaniari? quis est, qui nesciat, quod Pastori charior esse debeat suarum ovium salus, quam luporum vita? Quamobrem si liceat feras non arcere modo, sed etiam interimere ne pecudibus nocent, multo magis id licebit de Hæreticis statuere, ne tantam animabus sanguine Christi redemptis inferant perniciem. Nam quâ precor aliâ ratione Christiano Gregi contra istos lupos succurrere poterit? Num censuris Eccle-

sanctorum

est

suffi-

fasticis? sed has ipsi contemnunt, An amissionis rerum suarum metu? sed isti nec Deum nec hominem metuunt. An exilio? sed per literas poterunt haereses suas disseminare. An carceribus? at custodes crebro per ipsos corrupti sunt. Breviter, quocunq; loco vivere permittantur, nunquam ab ipsorum dentibus tuta fuerit Christiani Gregis salus.

44. Cujus verbis praeludit S. Hieronymus lib. 3 in cap. 5. ad Galatas. Scintilla ait res parva est, & pene, dum cernitur, non videtur; sed si fomitem comprehenderit & nutrimenta sui, quamvis parvus ignis moenia, urbes, latissimos saltus, regionesq; consumit. Fermentum res modica videtur, & nihil, sed cum farinam conspersum totam massam suo vigore corruperit, in illius vim transit omne, quod mixtum est; Ita Doctrina perversa ab uno incipiens vix duos aut tres in exordio reperit, Auditores, sed paulatim, ut cancer serpit in corpore, & juxta vulgare proverbium, unius pecudis scabies totum commaculat Gregem. Igitur & scintilla statim ut apparuerit extinguenda est, & fermentum a massa viciniâ semovendum; secunda putrida carnes, & scabiosum animal a cau-

lis ovium repellendum, ne tota domus, massa, corpus, pecora, ardeat, corrumpatur, putrescant, intereant: Et Augustinus Epist. 89. Timendum est, ne plures putrescant, dum putribus parcitur. Quanam est ista misericordia non parcere & innumeros, imò omnes in discrimen adducere, non misericordia sed crudelitas est.

Merito proinde à Leone Decimo & Concilio Constantiensi, sess. 25. condemnatae sunt ambæ sequentes Joannes Huss & Lutheræ propositiones.

### PROPOSITIO VIII.

Doctores ponentes, quod aliquis per Censuram Ecclesiasticam emendandus corrigi noluerit, seculari iudicio tradendus: pro certo in hoc sequuntur Pontifices, scribas, & Phariseos, qui Christum seculari iudicio tradiderunt & tales sunt Homicidae graviores perlati.

Propo-